



**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 5. Vtrum in Deo compositio ex genere, & differentiâ, siue ex
prædicato generico, & differentiali sit admittenda.

[urn:nbn:de:hbz:466:1-76990](#)

Tractatus V. De Deo vno

352

46 Sed dicunt quidam ex Aduersariis , distinctionem rationis ex parte intellectus, sive ex parte intellectionis se habere ; compositionem vero rationis non posse non se habere ex parte obiecti . Proindeque primam , non vero itidem secundam posse attribui Deo , quin aliqua ei imperfectione attribuatur prorsus ab ipso aliena . Sed contra est , quod distinctione rationis non minus ex parte obiecti se habet , quam compositione rationis , ut effatim est probatum a nobis in Pharo Scient. disp. 13. quæst. 8. & 9. Ut enim tunc solùm datur compositione rationis , quando id , quod est realiter simplex , prout est obiectum in mente nostra appare compositionem ex partibus , ita etiam tunc solùm datur distinctione rationis , quando ea , quæ sunt realiter idem , prout sunt obiectum in mente nostra , apparent distinctione . De quo plura loco citato .

47 Alij vero ex Aduersariis dicunt , in Deo ex ipsis attributis intrinsecis non posse fieri compositionem rationis : quia omnia attributa Dei intrinseca mutuo se includent formaliter ; & partes componentes totum quodvis mutuo se debent excludere . Sed contra primò . Quia ab his Auctoribus æquè negari deberet in Deo distinctione rationis : eo quod nulla etiam distinctione absque mutua exclusione aliquorum extremorum habeat potest . Quoties enim est distinctione adæquata , compertum est , extrema distinctione mutuo se excludere . Quoties vero est inadæquata , vt partis à toto , necessario debet interuenire distinctione adæquata partis à residuo totius , atque adeo quæ sit extremorum mutuo se excludentium , vt demonstratum à nobis est in Pharo Scient. disp. 13. q. 3. proposit. 15. & iterum magis explicatum disp. 17. quæst. 20. Contra secundò . Quia falsum est , omnia attributa intrinseca Dei mutuo se includent , formaliter ; vt fatis , superque ostendimus supra disp. 2. quæst. 6. Quo tota Aduersariorum sententia ruit .

48 Quomodo autem compositione rationis , qua nos ex suis intrinsecis attributis concipimus compositionem Deum iuxta ordinarium , quem habemus intelligendi modum , non facta sit , sed supposititia ; tametsi nihil sit , quod vetet , factam etiam compositionem à nobis cogitari . Ex universalis doctrina de entibus rationis supposititiis , & fictis data à nobis in Pharo Scient. disp. 12. constat . Atque etiam ex dictis in simili disp. 13. q. 8. de distinctione rationis suppositiæ , & fictiæ .

Propositio 2.

49 In Deo prout cognito per propriam speciem , sive prout est in se , qualiter à se ipso , & ab omnibus ipsum intuentibus cognoscitur , nulla compositione rationis dabitur est .

Quia in Deo prout sic cognito nulla est dubilis distinctione rationis inter ea , quæ realiter idem sunt , prout supra disp. 2. quæst. 2. supposuimus ex latè probatis in Pharo Scient. dicta disp. 13. q. 12. Compertumque est , impossibilem esse compositionem ex partibus , vbi partes sunt impossibilis : nec minùs est compertum , partes esse impossibilis , vbi distinctione partium impossibilis est . Indeque tandem æquè est compertum , compositionem rationis impossibilem esse , vbi distinctione rationis impossibilis est .

QVÆSTIO V.

Vtrum in Deo compositione ex genere , & differentia , sive ex predicato generico , & differentiali sit admittenda .

Q Vero hæc in eamdem recedit cum illa , quæ inquiritur , vtrum Deus sit sub aliquo genere , sive in aliquo genere , sive in aliquo predicamento . Circa quam negativa sententia valde communis est . Eam enim tenent Magister in 1. dist. 8. & ibi multi eius expositores . S. Th. tum alias sive tum 1.p. q. 3. art. 5. vbi communiter Thomistæ Scot. cum suis in 1. dist. 8. quæst. 3. & ibi Ocham q. 1. cum alijs Nominalibus . Falol. 1.p. q. 3. art. 5. dubit. 2. vbi quatuor & viginti Auctores refert pro ista sententiâ . Pro qua ibidem etiam stant Valent. Molin. Vaz. Arrub. Gran. Tanner. & alij . Tenent eam etiam Soar. disp. 30. Meth. sect. 4. Fonsec. lib. 5. Metaph. cap. 8. quæst. 1. Recupit. lib. 2. de Deo quæst. 8. eti subiungat num. 13. controversiam esse de nomine Pasqualig. disp. 14. de Deo sect. 5. & alij Recentiores . Pro affirmatiâ tamen sententia stant Rubion. in 1. dist. 8. q. 1. art. 1. & 3. Arimin. q. 3. Marfil. q. 12. art. 2. Major q. 2. Gabriel. q. 1. & 2. Gregor. q. 3. art. 2. Bacchon. dist. 9.q. vnic. Holchot. q. 6. Nicolaus Bonettus lib. I. Theolog. natur. cap. 1. & lib. 2. cap. 1. 2. & 3. Smifing. tract. 2. de Deo uno disp. 2. n. 52. Arriag. 1. pdi/p. 2. n. 73. & alij . Consentique re ipsa Quiros tom. 1. de Deo in comment. art. 5. citati , licet sub quadam distinctione loquatur .

Suppono primò , exactam huius questionis resolutionem plenam notitiam prærequirere totius doctrinæ ita dite à nobis in Pharo Scient. disp. 17. per totam de naturâ , & proprietatibus vniuersitatis generatim , cum speciatim sumptu , deque eius fabricâ , seu constructione ab intellectu nostro prout in statu præsenti oriundâ . Quæ promide doctrina imprimis supponenda hic est , & à lectori recognoscenda .

Suppono secundò , multos conceptus obiectu à nobis formari communes Deo , & creaturis cum fundamento in ipsis rebus ; eo quod ut præcisi per intellectum nostrum à reliquis omnibus prædicatis Dei , & creaturarum cum ea similitudine nobis apparent , quæ satis est , vt in conceptum unum vniuersale , sive vniuersalem Deo , & creaturis coire possint , iuxta doctrinam vniuersalem datam à nobis in citata disp. 17. quæst. 8. Talis est conceptus entis , id est potentis existere , sive existentis , vt in eadem disp. 17. quæst. 21. latè monstrauimus . Tales sunt conceptus substantiæ , viuentis , spiritus , intellectu , volitivi , & alij huiusmodi . Quinimo hos omnes conceptus communes eo ipso vniuersos esse respectu Dei , & creaturarum ex doctrinâ traditâ ibidem quæst. 22. est conspicuum . Quemadmodum enim à reliquis prædicatis creaturarum , quantumvis inter se recipi , & physicè dissimilium , potest , & solet intellectus noster abstrahere , sive præscindere prædicata entis , substantia , aut viuentis , &c. ab omni penitus dissimilitudine exuta , exæque similia obiectu , aptaque prout sic , vt in unum conceptum vniuersalem , atque etiam

viii.

Vniuocum coeant iuxta dicta in è quæst. 8. Ita à reliquis predicatis Dei, & creaturarum, quantumvis inter se re ipsa, & physicè dissimilium potest pariter, & solet abstrahere intellectus noster predicata entis, substantia, viuentis, &c. adeò inter se similia obiectuè, ut in vnum conceptum vniuersalem, communemque, imo & vniuocum Deo, & creaturis coire possint, defactoque coeant. Quod quā sit intellectui nostro pro statu præsenti connaturale, ex dictis latius locis citatis facile quisque deprehendet.

53 Suppono tertio, predicata Dei, quæ præcisa à reliquis exactam similitudinem fortinunt, prout sunt in intellectu nostro obiectuè, cum, prædicatis creaturarum, bifariam considerari posse. Primò per se præcise. Secundò reduplicatiuè ut diuina, sive ut increata, sive ut infinita, sive ut coniuncta cum quois alio conceptu obiectuè proprio Dei, (eorum præsertim, qui transcendentes dicuntur, eo quod omnibus, & singulis formalitatibus diuinis conuenient in sensu formali). Et priori quidem modo sumpta cum prædicatis creaturarum, quibus exacte sunt similia, in vnum conceptum vniuersalem, communemque Deo, & creaturis, atque eis vniuocum coire possint. Posteriori vero modo sumpta nequaquam. Quis sumpta posteriori modo omnibus prædicatis creaturarum evadunt dissimilia; & prædicata dissimilia quatenus talia neutriquam possunt ab intellectu nostro sub uno conceptu adunari, uti quæst. illa 8. citata monstratum est. Quæ etiam ex dictis, mostratisque latius locis citatis Phari Scient. comperta sunt. His positis sit.

Propositio 1.

54 Si cuncta prædicata Dei considerentur sumanturque ut diuina, sive ut coniuncta, cum aliquo conceptu proprio Dei transcendentie, Deus neque sub genere, sive in genere, sive in prædicamento positus, neque ex genere, & differentia compositus esse, aut concipi potest.

Et hac ratione censendi sunt considerare, & sumere cuncta Dei prædicata omnes Patres, qui, Deum esse sub aliquo genere, sive prædicamento, in eo ve posse ponit, aut ex genere, & differentia posse componi, negant vel expressis, vel æquivalentibus verbis, ut sunt Cyrill. Alex. lib. I de Trinit. sub initium, & lib. II. Thesau. Cassio super illud Psal. 2. Dominus dixit ad me, &c. Clemens Alex. lib. 5. Stromat. cap. 5. Bernard. dist. ad fratres de Monte. Dei fine. August. lib. I. cognit. vera vit. cap. 3. & lib. 5. de Trinit. cap. I. Maxim. cent. 3. cap. 4. apud Cyparissio. decad. 10. cap. 8. Anselm. in Monol. cap. 26. Piphi. in hæref. contra Ptolem. Euagr. in lib. de Divinit. apud Neeophor. lib. 20. Hist. cap. 19. Boet. lib. de Trinit. circa medium. Dydym. lib. contra Manich. Rustic. Dialog. contra Acephalos, & alij. Quo etiam sensu accipiendo veniunt multi ex Scholasticis citatis pro sententiâ prima.

Ratio autem propositionis conspicua est. 55 Quia, ut Deus esset, conciperetur ut sub aliquo, vel in aliquo genere, sive prædicamento, aut esset, conciperetur ut compositus ex genere aliquo, & differentia, necessario deberet concipi, & esse in Deo aliud prædicatum ipsi, & creaturis commune communitate generis, aut certe

tam exactè simile alicui prædicato creaturarum, ut cum illo in vnum conceptum vniuersalem, communemque Deo, & creaturis communitate, generis coire posset, ut est notissimum. Ast, si cuncta Dei prædicata considerentur, sumanturque ut diuina, sive ut quoquo modo propria Dei per sui coniunctionem cum conceptu aliquo transcendentie ipsius Dei proprio, nullum eorum ut sic est tam simile illi prædicato creaturarum, ut cum illo coire possit in vnum conceptum genericum Deo, & creaturis communem iuxta doctrinam statutam suppositione tertia; eo quod omnia prædicata Dei quatenus diuina, & Dei propria omnibus prædicatis creaturarum sunt dissimillima, ut est etiam notissimum. Ergo, si cuncta Dei prædicata considerentur, sumanturque ut diuina, sive ut quoquomodo propria Dei per sui coniunctionem cum conceptu aliquo transcendentie ipsius Dei proprio, nullatenus Deus sub aliquo, aut in aliquo genere, sive prædicamento positus, ex genere vel aliquo, & differentia compositus esse, aut concipi potest. In quam vnam rationem ceteræ, quæ momenti ad rem fuerint, necessarij debent recidere. Ob id eas prætermitto. Contra propositionem autem ita explicatam nihil momenti est, quod objici possit. Est enim certissima. Quo circa de opposita putari potest loquuta Academia Oxomensis apud Bacchon ubi supra, cum dixit. *Quod causa prima est in genere, & non extra genus, error.*

Propositio 2.

Si prædicata Dei, quia ex suo præciso 56 conceptu obiectuè prædicatis creaturarum tam exactè similia evadunt, ut cum illis in vnum conceptum communem Deo, & creaturis coire possint iuxta dicta suppositione secundâ, ut sic p. 1. præcise considerentur, & sumantur, Deus sub multis eorum tanquam sub genere, sive prædicamento sibi, & creaturis communi positus, ex multisque eorum, & ex alijs sibi proprijs tanquam ex genere, & differentia compositus circa vnum inconveniens esse, aut concipi potest.

Hoc sibi volunt Autores relati pro secunda sententiâ. Neque alienum illud est à sententiâ sanctorum Patrum. Quinimo communem esse ipsorum doctrinam, duo Deo predicamenta conuenire, scilicet substantia, & relationis testatur Aureol. in 1. dist. 8. p. 4. dist. Colligitur enim ex August. lib. 5. de Trinit. cap. 1. & seqq. & lib. 7. cap. 4. & 5. & Ierm. 38. de tempore. Vnde S. Th. I. p. q. 28. art. 1. ad 1. ait. *Dicuntur duo tantum esse predicamenta in diuinis.* & in 1. dist. 8. q. 4. art. 3. in corp. dicit; *ex omnibus decem predicamentis tantum remanere duos modos predicandi in diuinis, secundum substantiam, & secundum relationem,* id quod etiam docet Boet. lib. I. de Trinit. Et Damasc. cap. 7. Inquit, sub genere summo substantia collocatus Deum inquietus. *Genere autem summo continetur hoc corporis expers essentia, ut Deus, ut Angelus, ut animus, ut Demon.*

Ratio autem propositionis est. Quia quoties prædicatum commune pluribus pars quedam metaphysica contrahibilis per aliam est essentia specifica eorum, de quibus ut de subiectis verificatur, tunc illud prædicatum est genericum, sive genus respectu eorum. Sed multa ex prædicatis

Y. x. com.

Tractatus V. De Deo vno.

354

comunibus Deo, & creaturis partes quædam meta physica per alias contrahibiles sunt essentia specificæ tum Dei, tum creaturarum, de quibus et de subiectis verificantur. Igitur talia prædicata generica sunt, sive genera respectu Dei, & creaturarum; & consequenter Deus sub quo quis eorum tanquam sub genere, sive prædicamento positus, ex quo quisque eorum, & ex alio sibi proprio tanquam ex genere, & differentia compositus esse, aut concipi potest. Major constat ex definitione generis traditâ, & explicata à nobis in Pharo Scient. disp. 17. citata quest. 13. Et integra consequentia euidentis est. Minor autem per exempla probatur. Quia prædicatum substantia Deo, & creaturis commune pars quædam metaphysica per aliam contrahibilis est essentia specificæ tum Dei, tum creaturarum; similiterque prædicata viventis, spiritus, intellectui, voluntui, aliaque huiusmodi. Essentiam enim specificam aut Dei, aut creature vocamus ad propositum eam, quæ ex dictis prædicatis communibus, ex alioque, vel ex alijs proprijs aut Dei, aut creature consideratur composita per nostram rationem. Dum enim de tali essentia aut Dei, aut creature aliquod ex dictis prædicatis communibus prædicatur, prædicatio est generis ipsaque essentia sub tali genere cicut esse ut subiectum eius, ex ipsoq; genere, & ex differentia sibi propriâ composita metaphysicæ, sive per rationem nostram euadit, prout latius loco citato Phari explicatum à nobis est. Itaque, quod attinet ad compositionem ex genere, & differentia oriundam ab intellectu nostro, perinde de essentia specifica Dei, atque de essentia specifica creature philosophandum est; nisi quod sub essentia specifica creature abstractè considerata, & rara individua sunt possibilia; sub essentia vero specifica Dei unicum solum. Quod discrimen ad rem vñc. intercidit.

⁵⁸ Verum contra nos propositionem primò obijci posunt testimoniū eorum Patrum, quos proposit. 1. retulimus, q; tenus absolute pronunciant, Deum sub nullo genere, sive prædicamento esse possum, ex gepercere & differentia non esse compositum. Respondeo patres in eo sensu centendos esse negare Deo prædicamento & genus, in quo nos etiam illud ¹⁷ negamus ea proposit. 1. prout ibi notaimus. Secus vero in sensu, in quo illud ipsi hac secunda concedimus.

⁵⁹ Secundò obijicitur. Genus, & differentia se habent sicut potentia perfectibilis, & actus eam perficiens. Sed nulla eiusmodi potentia datur in Deo; cum sic actus purissimus. Ergo in Deo non datur genus, & differentia. Distingo maiorem. Genus & differentia se habent sicut potentia perfectibilis, & actus eam perficiens per nostram rationem; admitto; realiter; nego; quia genus, & differentia, de quibus agimus, realiter sunt prorsus idem. Demide minorem. Sed nulla eiusmodi potentia datur in Deo; realiter concedo; per rationem nostram; nego. Similiterque consequens. Ergo in Deo non datur genus, & differentia realiter; concedo; per rationem nostram; nego. In quo nullum est inconveniens. Sicut neque in eo, quod detur in Deo per nostram dumtaxat rationem compositio ex partibus iuxta dicta quest. 4.

Sed vrgeri potest. In Deo, nequit admitti prædicatum importans aliquam imperfectionem: quia in Deo nulla imperficio datur. Ob idque, nequeunt admitti in Deo potentia receptiva acci-

dentium; potentia ad peccandum, aut ad errandum, aut ad deficiendum; physica composicio ex partibus; corporeitas; aut alia eiusmodi prædicata, quæ imperfectionem aliquam secum ferunt. Sed genus importat imperfectionem perfectibilis per differentiam. Ergo genus nequit admitti in Deo. Respondeo rursus distinguendo maiorem. In Deo nequit admitti prædicatum importans imperfectionem reipsa concedo; & talia sunt prædicta adducta in exemplum, que propterea telegantur à Deo; importans imperfectionem per nostram rationem dumtaxat; nego; quia imperfectiones à nostro intellectu tantum oriundæ, & recipi non subsistentes nequeunt accert Deo. Et talis est imperfectio perfectibilis per differentiam, quam genus secum fert. Vnde consequentia facti argumenti neganda est. Ita, que prædicatum genericum substantia reipsa nullam dicit imperfectionem: quia re ipsa in Deo per alia ipsius prædicata non est perfectibile; cum sit re ipsa idem cum illis; quod autem, prout est in mente nostra obiectivè, induat imperfectionem distincti à reliquis prædicatis diuinis, & perfectibilis per illa, aut etiam adunati cum simili prædicato creature, ita, ut in statu abstractionis, adnationisque conceptus obiectivus communis Deo, & creature, atque adeo genus euadat; nihil obstat, quominus illud attributatur Deo; quia huiuscmodi imperfectiones mere intentionales, à nostroque intellectu tantum oriundæ nihil omnino possunt officere perfectioni reali Dei. Et idem pariter venit dicendum de ceteris prædicatis genericis, quæ verè, & propriè prædicantur de Deo, verèque prouinde, & propriè conuenient ipsi à parte rei & quæ, ac creature, cui sunt communia; tametsi non, prout sunt in mente nostra obiectivè, sed prout sunt in se. Quod in omnibus prædicationibus veris à nobis factis evenit eo ipso, quod rerum veritates, non vt sunt in se, sed aliter, quam sunt in le, concipiuntur pro statu praesenti. De quo multa, & sèpe à nobis sunt dicta in Pharo Scient.

Tertiò obijicitur. Nullum est prædicatum diuinum, quod non sit formaliter à se; aseitas enim ex genere eorum conceptum est, qui omnes diuinæ formalitatem trascendent formaliter. Ergo nullum est prædicatum diuinum, quod sit genericum, communeque ex conceptu suo Deo, & creature. Siquidem nullum est prædicatum creature, quod sit à se. Respondeo aseitatem, iut & ceteros conceptus, qui omnes diuinæ formalitatem trascendent formaliter, non per inclusionem, sed per adiectionem trascendere illas, ut constat ex generali doctrinâ de transcendentalibus traditâ à nobis in Pharo Scient. disp. 17. quest. 20. Quo locus supereft, ut aliquæ formalitatis, sive aliqua prædicata Dei cum præcisione ab aseitate concipi possint, atque adeo cum in differentia ex conceptu suo, ut sint à se, vel non sint à se. Qo pacto optimè possunt esse communia Deo, & creature, atque ita etiam genericæ prædicata, seu genera.

Quartò obijicitur, prout in simili obijciebamus in Pharo Scient. disp. 17. quest. 21. Si datatur aliquod prædicatum genericum Deo, & creature commune, daretur in creaturâ formalitas, qua sumpta præcisè non esset dependens à Deo, atque etiam in Deo daretur formalitas, qua sumpta præcisè non esset à se. Tale enim esset illud prædicatum genericum per se præcisè consideratum. At hoc est absurdum. Ergo tale prædicatum

tum

tum genericum Deo, & creaturæ commune non est admittendum. Sed verò ista arguendi forma pariter contra omnes venit probandum, non dari genus substantiaz commune spirituali, & corporeaz: quia datur in Angelo aliqua formalitas, quæ sumpta præcisè non esset spiritualis; & in lapide aliqua, quæ sumpta præcisè non esset corporea. Quod similem absurditatem præferset. Eodemque iure, non dari genus qualitatæ commune qualitatæ spirituali, & corporeaz: aut supernaturali, & naturali; aut vitali, & non vitali. Similiter, non dari conceptum communem aut intellectus, aut productionis, aut generationis, aut persona, aut bonitatis, aut veritatis, aut deum plurium prædicatorum, quæ citra omnibz dubium aliquo modo Deo, & creaturis communia sunt. Ex quibus patet, per argumentum fæcum nihil prælati contra nos.

63 Respondeo ergo ad illud, quod quis prædicatum genericum Deo, & creaturæ commune in statu abstractionis, sive adunationis consideratum cum præcisione ab omni alio neque esse à se, formaliter, neque ab alio; in quo nihil absurdum cernitur. Cum tota hæc præcisio opus nostri intellectus sit. Realiter enim rale prædicatum nihil est aliud, quam entitas Dei, & entitas creaturæ; quarum prima re ipsa à se, secunda verò ab alio est. Semel tamen contractum eiusmodi prædicatum ad Deum, & ad creaturam, in Deo quidem acquirit sibi conceptum essendi à se, utpote transcendentem omnem formalitatem diuinam; in creaturæ verò conceptum essendi ab alio, utpote transcendentem itidem omnem formalitatem creatam; idque non per inclusionem, sed per adiectionem metaphysicam; qualiter solum possunt huiusmodi conceptus trancendere, vt ostendimus in Pharo Scient. disp. 17, quæst. 20. iam citata.

64 Quinto obijicitur. Omnis formalitas divina est infinita. Ergo nulla formalitas diuina potest esse genus commune Deo, & creaturæ. Quoniam ut contracta ad creaturam nequit esse infinita. Distinguo antecedens. Omnis formalitas diuina debet esse infinita prout præcisa ab infinitate, & infinite, quo pacto consideratur in statu abstractionis, sive adunationis, in quo eundem genus commune creaturæ, & Deo; nego; prout habens infinitatem non in se imbibit, sed sibi adiecam, (vt adiiciuntur alijs conceptus transcendentia iuxta iam dicta), quo pacto consideratur in statu contractionis ad Deum; concedo. Et ne go consequentiam.

65 Sexto obijicitur. In Deo non potest dari differentia. Ergo nec genus. Consequens est bona. Antecedens probatur. Nam differentia Deitatis aut esset infinita, aut finita. Si infinita imbibetur formaliter omnem perfectionem essendi, atque adeo omne prædicatum diuinum, quin supereret extra illam vnum, quod posset esse genus. Si verò finita, non posset communicare infinitatem generi, neque Deum plenissimè, & unde quaque infinitum simul cum ipso constitueret. Non igitur est possibilis differentia in Deo; atque adeo nec genus. Respondeo, differentiam Deitatis ab infinitate sibi metaphysicè adiecta (iuxta iam dicta de conceptibus transcendentibus) infinitam esse. Atque ita ne infinitatem quidem propriam, nedum cetera Dei prædicta imbibere in se formaliter, prout constat ex doctrina statuta supra disp. 2. quæst. 6. Quo locus supereret, ut extra illam, & intra Deum aliud prædicatum, quod

si genericum, dari possit. Quanam autem infinitudine perfectionis sint formaliter infinitæ singulæ Dei formalitates considerate seorsim, inferius disp. 16. explicabitur.

Septimo obijicitur. Deus neque continetur sub genere tanquam species: quia omnis species habet sub se plura individua; & non sunt plures Dij. Neque continetur sub genere tanquam individuum: quia omne individuum conuenit cum alijs quoad speciem atomam; & Deus cum nullâ creaturâ conuenit quoad talēm speciem. Igitur Deus nullo modo continetur sub genere. Respondeo, Deum contineri sub genere saltem ut speciem subiectibilem, & ut individuum unicum talis speciei: (quidquid sit de possibiliitate speciei prædicabilis communis vno Deo vero, & alijs essentijs): quia Deus essentiam habet omnibus alijs essentijs possibilibus proslus dissimilem; quo titulo specificè differt ab illis. In seque est realiter unus, & distinctus ab ipsis: quo titulo ab eisdem differt numericè.

Mitto cetera, quæ opponi poscent, aut etiam solent: quia vel recidunt in proposita, vel ex dictis circa illa facilissime ab unoquoque poterunt dilui.

Modique ex dictis infero primo contra Gil-
lium lib. 2. tract. 4. cap. 7. & Fasolum 1.p. q. 3. art. 3.
dubit. 1. & alios, Deum non esse sub genere analogo, vt ipsi opinantur sed, qua ratione sub genere est, sub genere vniuoco esse: quia genus analogum est impossibile, vt constat ex generali doctrina tradita à nobis in Pharo Scient. disp. 17. quæst. 22. Ab analogatis enim, utpote habentibus similitudinem non exactam, & puram, sed cum aliqua dissimilitudine mixtam, unus conceptus obiectivus 68
ipsis communis, qui genus analogum dici queat, abstrani non potest. Et quidem eo ipso, quod Auctores relati unum conceptum obiectivum à Deo, & creaturis abstractum, & ipsis communem concedunt, nobiscum consentiunt ipsis: dissimilique de solo nomine supereret, vrum ille vniuocus, an analogus dicendus sit. Certe stando definitioni vniuocorum ab Arist. traditæ vniuocus dicendus est. Quæ omnia in eā quæst. citata satis, supereret à nobis exposita, & comprobata videntur.

Secundò infero contra aliquos ex supra com-
memoratis Auctoriis, Deum, quo sensu in prædicamento ponitur iuxta nostram proposit. 2. proprie, perit, & directè, (ex quæ, ac creaturæ), non verò impropriè, per accidens, & indirectè ponit. Quia ponitur ut quædam essentia ex genere, & differentia composita metaphysicè, seu per rationem nostram, de qua ipsum genus ut pars metaphysica de suo toto per aliam partem contrahibilis prædicatur, perinde, ac prædicatur de alijs essentijs creatis, quæ ex ipso genere, & ex suis differentijs pariter composita sunt metaphysicè, seu per nostram rationem. Vt ex dictis in præcedentibus, ex locis Phari ciratis satis, supereret notum est. In quo nihil penitus absurdum esse, etiam constat ex dictis.

Tertiò infero contra Recupitum citatum
supra, & alios, supposito eo, quem pro præsenti statu habemus, intelligendi modo, eodem pacto ex parte, Dei, ac ex parte ceterarum rerum, quæ sub genere, & in prædicamento ponuntur, præberi nobis fundamentum reale ad eas præciones, & adunationes rationis facientes, quæ ad eiusmodi positionem necessariae sunt, iuxta doctrinam vniuersalem de hujuscemodi fundamentis datum in Pharo Scient. disp. 13. quæst. 8. Quod

Yy 2 etiam

etiam ex dictis in precedentibus satis notum est. Constat enim ex eis perinde, quod ad rem attinet, de Deo, ac de ceteris rebus, quae in praedicamento ponuntur, philosophandum esse.

Q V A E S T I O VI.

Verum simplicitas Dei formaliter sumpta sit attributum positivum, vel negativum.

71 **E**sse positivum, tenent Henr. in Sum. art. 28. q. 1. Scot. in 1. dili. 8. q. 1. Bonav. ibid. art. 3. q. 2. Smifing. tract. de Deo uno disp. p. 2. q. 2. Paqualig. de Deo disp. 14. sect. 2. & alii. *Esse verò negativum, tenent Caet. de Ente & essentiâ cap. 2. post q. 3. Aurel. in 1. dist. 8. q. 3. art. 2. Mayron. q. 7. art. 1. Bann. 1. p. q. 3. art. 7. Molin. ibid. disp. 2. Fafol. dubit. 3. Soar. lib. 1. de Attrib. cap. 3. Recupit. lib. 5. de Deo q. 15. Quiros tom. 1. de Deo in comm. art. 7. q. 3. S. Th. dub. 5. & alii.*

Propositio 1.

Simplicitas Dei sumpta formaliter attributum est negativum.

72 **Q**via illud attributum sumptum formaliter dicitur esse negativum, quod in eo conceptu obiectivo, quem nos de eo formamus, siue quem habet, prout à nobis concipitur, aliquam dicit negationem, ut constat ex doctrina supra statuta disp. 2. q. 1. & 3. Sed simplicitas Dei in eo, quem habet, prout concipitur à nobis, conceptu obiectivo aliquam dicit negationem: quia ens simplex apud nos non est aliud, quam ens non compositum, siue carentia compositione; & consequenter simplicitas aut est formaliter ipsa negatio, siue carentia compositionis, aut eam in suo conceptu claudit, saltem de connotato, ut satis, superque ex se notum est. Ergo simplicitas Dei sumpta formaliter attributum est negativum.

Nec refert, in conceptu simplicitatis Dei sicut in concreto, aut etiam in abstracto sumptus aliquam formalitatem Dei positivam includi. Nam ut ea attributum negativum dicatur, lat est, quod aliquam insuper in se etiam inclusam præferat, ut verè præferat, negationem. Alioquin contra communem sententiam Patrum, & Theologorum nulla ex diuinis attributis negativa dicenda esset: quia nulla sunt, quæ saltem in concreto, aut etiam in abstracto sumpta aliqua positivum Dei non includant in conceptu suo. Recognoscantur dicta ad rem supra disp. 2. quest. 3.

Propositio 2.

Negatio, quam simplicitas Dei sumpta formaliter dicit in suo conceptu, non vera, & realis, sed supposititia est, & rationis.

Quia non est negatio excludens quidpiam ab statu existentiali, prout opus erat, ut vera, &

realis negatio est; sed excludens quidpiam ab statu quidatio exclusione quadam supposititia æquivalente positioni, utpote in veritate aliqua positiva revera fundata; ut constat ex generali doctrinâ tradita supra disp. 2. q. 3. & latius in Pharo Scient. locis ibi citatis, quæ ad rem videnta. Itaque, esse Deum non compositum à parte rei, nihil est aliud quam esse Deum distinctum, ab omni ente composito, quæ veritas positiva, est.

Hic dubitant aliqui, an simplicitas Dei pro formalis sit perfectio, necne. Et ratio dubitandi est: quia negatio non videtur esse perfectio, & simplicitas Dei pro formalis præferat negationem. Hæc tamen dubitatio iuxta doctrinam nostram facilem habet resolutionem. Nam, cum è formalitas intrinseca Dei, cui negatio compositionis conceptione nostra est annexa, non possit non esse perfectio ex una parte, ut constat ex alia verò talis negatio non vera, sed suppositia sit, ut diximus; necessariò dicendum est absolute esse perfectionem simplicitatem Dei quoad totum, quod re ipsa est in Deo; atque adeo etiam pro formalis. Siquidem conceptus, quos nos formamus de veritatis realibus, eorum loco nobis sunt, per ipsosque subinde tribuuntur, quæ verè conueniunt ipsis, pro quibus subrogantur, iuxta doctrinam generalem traditam in Pharo Scient. disp. 2. q. 3. & disp. 12. q. 3. & disp. 13. q. 9. De quo plura dicemus infra disp. 16. cum ferme sit in uniuscunquam de perfectione attributorum Dei.

Dubitamus verò insuper alij in præsenti, an 73 sit simplicitas Dei perfectio simpliciter simplex; id est melior ipsa, quam non ipsa. Et ratio dubitandi est: quia melior est homo, quam punctum quantitatis; & tamen punctum quantitatis est simplex, & homo compositus. Sed dicendum omnino est, simplicitatem secundum se precise consideratam semper, & in omni ente, nedium in Deo, esse meliorem, quam non ipsam, atque adeo perfectionem simpliciter simplicem: quia ceteris paribus, & retentis, melius est cuiusvis entis esse simplex, quam esse compositum. Quare Angelus de Incarnat. Verb. cap. 6. dicit. Omne simplex, quæ simplex est, est perfectius composito. Et Augustinus de quant. animi. cap. 11. omnino præferendum est, quod omni compositione caret. Et Bern. lib. 5. de confid. Vero indicio simplex multiplici auferitur. Itaque quodvis ens simplex titulo simplicitatis est perfectius, quam esset, si retentâ per impossibile totâ perfectionem, quam aliunde habet, maneret compositum; & ex duobus entibus aliud, & qualiter perfectis semper simplex composito perfectius erit. Quod ipsum est, simplicitatem per præcisè compositione oppositam meliorem, atque idcirco perfectionem simpliciter simplicem esse. Quod si homo melior, quam punctum quantitatis est, id certè non habet; quia est compositus, & punctum quantitatis est simplex; (ex hoc namque titulo præcisè melius esset punctum, quam homo); sed quia aliunde habet perfectionem maiorem, quam habet punctum quantitatis, adhuc computata in hoc eà, quam à simplicitate fortior. Per quod rationi dubitandi satisfactum est,

Q V E.